



Isalathiso: 20201027-9093  
Inombolo yefayili: 12/2/11/5/2  
Imibuzo: A Du Toit

INGCACISO eMfutshane yeCandelo loLawulo lweKharityhulam noVavanyo: 0008/2020

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNtloko zokuNika iNkxaso kwiKharityhulam, kwiiNtloko zoLawulo nokuPhathwa kwamaZiko, kuBaphathi beeSekethe, kumaSekela eeNgcali zeMfundo eziziiNtloko, kuBacebisi ngeZifundo nakwiiNqununu zezikolo eziziiprayimari kunye nezikolo ezidibeneyo

**Isihloko: UkuBonelelwa ngeziCwangciso zokuFundisa nezoVavanyo kwiBakala R**

1. Ukufundisa ngobuchule kuqala ngokucwangcisa kakuhle okusebenza njengenqubo-sikhokelo yokuba:
  - utitshala asebenzise iindlela zokufundisa (*pedagogies*) ezixininisa kumfundi nezisebenzisa ukuzikisa ukucinga, nokuba
  - iKomiti yoLawulo yeSikolo (*School Management Team*) (*SMT*) iqinisekise ukuqhubeka nophuhliso lolwazi, izakhono neendlela zokucinga (*attitudes*) kunye neemfundiso ezisisiseko (*values*) kuwo onke amabakala/kwizigaba ngokunjalo novavanyo olubonelela ngobungqina bezinto akwaziyo ukuzenza kakuhle (*strengths*), izinto angakwazi kuzenza ncam namanyathelo alandelayo ekufundiseni nasekufundeni.
2. Ukunika inkxaso oku, aBacwangcisi beKharityhulam aBakhulu (*Senior Curriculum Planners*) naBacebisi ngeZifundo benze iziCwangciso zokuFundisa nezoVavanyo (*Teaching and Assessment Plans*) kwisifundo ngasinye nakwibakala ngalinye. Ezi zicwangciso ziyangqinelana neeNkcazo zomGaqo-nkqubo weKharityhulam noVavanyo (*Curriculum and Assessment Policy Statements*) kwaneenguqu zakutshanje kwiimfuno ezingummiseo zovavanyo oluqhubekela esikolweni (*school-based assessment*) (*SBA*). Izicwangciso zamaBakala 1–12 zathunyelwa ezikolweni ngoJanuwari 2020 kwiSetyhula 0002/2020, yowe-31 Januwari 2020.
3. ABacwangcisi beKharityhulam aBakhulu naBacebisi ngeZifundo kwiSigaba seSiseko ngoku kwakhona benze iziCwangciso zokuFundisa nezoVavanyo zeBakala R eziza kuqalisa ukusetyenziswa ngoJanuwari 2021.

4. Kulindeleke ukuba bonke ootitshala basithobele isicwangciso sesikolo ekuvunyelwene ngaso ekugqibeleni kwisifundo, kwibakala nakwisigaba ngasinye. IziCwangciso zokuFundisa nezoVavanyo kufuneka kwakhona zisetyenziswe yi-SMT ukunika inkxaso nokuphucula umgangatho wokufundisa kwiklasi nganye, ngokuncedisa:
  - ekukhetheni izibonelelo zoncendo ezifanelekileyo kunye/okanye imisebenzi yokufunda eyongezelelweyo,
  - ekucebiseni ootitshala ngolwazi abafundi abasele benalo olufanele izihloko zezifundo ezithile,
  - ekudibaniseni iThekhnoloji yoNxibelelwano lweNgcaciso (*Information Communication Technology*) ukuphucula ukufundisa nokubethelela nzulu ukufunda,
  - ekubekeni esweni nasekulandeleleni ipesenti yekharithulam efundisiweyo kwanokuba iqhutywe iSBA kwayokuphelwa ndawoni na.
  
5. Ukuba neziCwangciso zokuFundisa nezoVavanyo ezicacileyo kwanokuqinisekisa ukuba ukubekwa esweni ngempumelelo nokunika inkxaso kuyinxalenye yenkqubo yesikolo yesiqhelo, kuya kunceda ekuphumezeni umbono weSebe leMfundo leNtshona Koloni, ongulo: Imfundo esemgangathweni kumntwana ngamnye, kwiklasi nganye, kwisikolo ngasinye, kwiphondo. Njengoko kuphuculwa ukucwangcisela ukusetyenziswa kwezicwangciso zokufundisa ezitsha (*innovative teaching strategies*) kunye nemisebenzi yovavanyo ethembakeleyo, oko kuya kunceda ekubuyiseleni uvuyo nolonwabo ekufundiseni nasekufundeni.
  
6. Kucelwa iinqununu ukuba zibonelele ngezi ziCwangciso zokuFundisa nezoVavanyo kubo bonke ootitshala/kwiiprathishina kwiBakala R yaye zibanike inkxaso (ngoncendo lweSMT) ukwenzela ukuqalisa ukusebenzisa izicwangciso zabo zekota nezonyaka. Kulindeleke ukuba inqununu njengenkokeli ekufundiseni (*instructional leader*) yesikolo iya kuwacacisa la maxwebhu nezi nkqubo kwiSMT nakootitshala. Ngokwetyisa iingcamango aho, nokuba bakwenza oko njengootitshala ngabanye okanye njengekomiti yezifundo, izikolo ziya kuba nako ukuphucula umgangatho wokufundisa. Kukhuthazwa ngokungaphezulu iinqununu ukuba zibeke esweni ukuqaliswa kokusetyenziswa kwezi zicwangciso ngokuzifaka kwi-ajenda yeentlanganiso zabasebenzi zarhoqo.
  
7. Kunokungenwa kwiziCwangciso zokuFundisa nezoVavanyo ngeelinki ezinikiweyo kwisiHlomelo A.

8. Kucelwa iinqununu ukuba zazise okuqulethwe yile ngcaciso imfutshane bonke oofitshala/iiprakthishina zeBakala R kwaneentloko zezifundo zeSigaba seSiseko ukuze zikuthathele ingqalelo.

**ISAYINWE:** NGU-PAD BEETS

**ISEKELA USEKELA MLAWULI-JIKELELE WOLAWULO LWEKHARITYHULAM NOVAVANYO**

**UMHLA:** 2020-11-05